



সংবাদ



যেভাবে জাহ্নবীকে ইঙ্গিত করে তির্যক মন্তব্য করলেন সারা

পৃঃ ৫

বাংলার মানুষের সাথে, মানুষের পাশে


প্রত্যাশার চাপ সরিয়ে বিশ্বকাপে ভালো করতে চান রোহিত



পৃঃ ৬

Digital media act No. : DM /34/2021 • Gov of India Reg No : WB18D0018520 (UAN) • Website : <https://epaper.newssaradin.live/> বর্ষ : ২ সংখ্যা : ২৪৩ • কলকাতা • ১৬ ভাদ্র, ১৪৩০ • রবিবার • ০৩ সেপ্টেম্বর, ২০২৩ পৃষ্ঠা - ৬ ২ টাকা

এক দেশ এক ভোট: আট সদস্যের কমিটিতে অমিত শাহের সঙ্গে অধীর চৌধুরী



স্টাফ রিপোর্টার, নিউজ সারাদিন : এক দেশ এক ভোট (ওয়ান নেশন ওয়ান ইলেকশন) নীতি রূপায়ণের কমিটিতে কারা কারা থাকছেন, শনিবার সেই নামের তালিকা প্রকাশ করল কেন্দ্রীয় সরকার। আগেই জানা গিয়েছিল, কমিটির নেতৃত্বে রয়েছেন দেশের প্রাক্তন রাষ্ট্রপতি রামনাথ কোবিন্দ। এ ছাড়া, আরও সাত জন সদস্যকে নিয়ে কমিটি গঠিত হচ্ছে। এই কমিটিতে কেন্দ্রীয় স্বরাষ্ট্রমন্ত্রী অমিত শাহ, লোকসভার নেতা অধীর রঞ্জন চৌধুরী ছাড়াও থাকবেন গুলাম নবি আজাদ, এনকে সিংহ,

সুভাষ সি কাশ্যপ, হরিশ সালবে এবং সঞ্জয় কোঠারী। এক দেশ এক ভোট পদ্ধতি করতে সংবিধানের বেশ কিছু অনুচ্ছেদ বদলের প্রয়োজন হতে পারে বলে সরকারি সূত্রের খবর। ৮৩ নম্বর অনুচ্ছেদে সংসদের দুই কক্ষের মেয়াদের কথা বলা হয়েছে। ৮৫ নম্বর অনুচ্ছেদে লোকসভা ভেঙে দেওয়ার নিয়ম নথিভুক্ত রয়েছে। ১৭২ নম্বর রয়েছে রাজ্য বিধানসভার মেয়াদের কথা। ১৭৪ নম্বর অনুচ্ছেদে বিধানসভা ভেঙে দেওয়ার নিয়ম নথিভুক্ত রয়েছে। এ ছাড়া ৩৫৬ নম্বর ধারায় রাষ্ট্রপতি শাসন জারি এরপর ৩ পাতায়

ধূপগুড়িকে আলাদা মহকুমা ঘোষণা করা হবে, নির্বাচনী প্রচারে গিয়ে জানালেন অভিষেক



ধূপগুড়িকে: নিউজ সারাদিন : আগামী ৪ মাসের মধ্যে ধূপগুড়ি এলাকাকে আলাদা করে মহকুমা হিসেবে ঘোষণা করা হবে, নির্বাচনী প্রচারে গিয়ে সেখানকার মানুষকে তেমনই আশ্বাস দিলেন তৃণমূলের সর্বভারতীয় সাধারণ সম্পাদক অভিষেক বন্দ্যোপাধ্যায়। শুধু তাই নয়, ধূপগুড়িতে হাসপাতালের পরিকাঠামো উন্নয়নের কথাও বলেন তিনি। এদিনের অভিষেকের বক্তৃতায় উঠে এসেছে 'ইন্ডিয়া'র কথা। ডায়মন্ড হারবারের সাংসদের গলায় বিজেপি বিরোধী সুর যত চড়া ছিল। কিন্তু পুরো বক্তৃতায় সিপিএম-কংগ্রেসকে আক্রমণ করতে দেখা যায়নি। মুম্বইয়ের 'ইন্ডিয়া' বৈঠকের পর অভিষেকের এই রণকৌশল খুবই তাৎপর্যপূর্ণ বলে মনে করছেন রাজনৈতিক পর্যবেক্ষকরা। আগামী ৫ সেপ্টেম্বর ধূপগুড়ি বিধানসভায় উপনির্বাচন রয়েছে। প্রচারের শেষ লগ্নে সেখানে তৃণমূল প্রার্থীর সমর্থনে সভা করতে যান অভিষেক। এই কেন্দ্রের বিজেপি বিধায়ক বিষ্ণুপদ রায়ের মৃত্যুর কারণেই উপনির্বাচন হচ্ছে। ধূপগুড়ির সভায় দাঁড়িয়ে একদিকে যেমন বিজেপিকে আক্রমণ করেছেন অভিষেক, তেমনই এলাকার চাহিদার কথা শুনতে চান তিনি। সভায় আগত মানুষেরা এক স্বরে জানান, ধূপগুড়িকে আলাদা মহকুমা ঘোষণা করা হোক। সেই দাবি শুনে অভিষেক বলেন, আমি কথা দিয়ে যাচ্ছি, আগামী ৩১ ডিসেম্বরের মধ্যে ধূপগুড়ি এলাকাকে আলাদা করে মহকুমা হিসেবে ঘোষণা করা হবে। তার জন্য যা করার আমি তাই করব। এছাড়াও এলাকার হাসপাতালের পরিকাঠামো উন্নয়নের কথাও বললেন তিনি। অভিষেক এদিন তাঁর ভাষণে বিজেপিকে বিধেছেন। তিনি বলেন, আপনারা বিজেপিকে ভোট দিয়ে জিতিয়েছিলেন এরপর ৩ পাতায়

মহাকাশে পাড়ি দিল ইসরোর আদিত্য-এল১



স্টাফ রিপোর্টার, নিউজ সারাদিন : সূর্য ও পৃথিবীর আকর্ষণ ক্ষেত্রের মাঝে এল-১ পয়েন্টে এই মহাকাশযানকে স্থাপন করা হবে। পৃথিবী থেকে এই এল-১ পয়েন্টের দূরত্ব ১৫ লক্ষ কিলোমিটার। সূর্য সংক্রান্ত নানা বিষয়ে ইসরোকে তথ্য পাঠাবে আদিত্য-এল১। এর মধ্যে ৭টি পেলেড রয়েছে। মহাকাশযানটি এল১ এর দিকে যাত্রা করার সঙ্গে সঙ্গে এটি পৃথিবীর মহাকর্ষীয় প্রভাবের বাইরে চলে যাবে গোলক থেকে বেরিয়ে যাবে। তারপর শুরু হবে ক্রুজ পর্ব। পরবর্তীকালে উপবৃত্তাকার করা হবে এবং পরবর্তীতে অনবোর্ড প্রপালশন ব্যবহার করে মহাকাশযানটিকে ল্যাঞ্জে উত্থাপন থেকে এল১ পর্যন্ত এরপর ৩ পাতায়

ভগবতপ্রিয় মানুষের জন্য

আনন্দময় দিব্যপুরুষ শ্রীসমীরেশ্বরের দিব্যভাবনা

শ্রীচৈতন্য মহাপ্রভু

চরণ পাদুকা

দর্শন ও স্পর্শ করার দুর্লভ সুযোগ

সন্ন্যাস গ্রহণের পর নবদ্বীপে এসে যে চরণ পাদুকা বিষ্ণুপ্রিয়াদেবীকে দিয়ে গিয়েছিলেন মহাপ্রভু শ্রীচৈতন্যদেব, শীঘ্রই সেই চরণ পাদুকা দর্শন-প্রণাম-স্পর্শ করার সুযোগ লাভ করতে পারবেন আপনিও।

১৭ সেপ্টেম্বর ২০২৩ রবিবার

বেলা ১০টা থেকে বিকেল ৪টা পর্যন্ত

ঠাকুর শ্রীশ্রী সমীর ব্রহ্মচারী বিশ্ব সেবাশ্রম সঙ্ঘ

১৯৯ বিশ্ব সেবাশ্রম সঙ্ঘ রোড, তালপুকুর, নিউ ব্যারাকপুর, কলকাতা-৭০০ ১৩১১

মো : ৯৮৮৩৬৯০৩৮৩ / ৯৭৪৮৯ ১৬০৪০

ট্রেনে গেলে— বনগাঁ শাখায় বিশ্বরপাড়া-কোদালিয়া স্টেশনে নেমে পূর্ব দিকে হাঁটা পথ।
বাসে গেলে— যশোর রোড হয়ে বারাসাতগামী বাসে মাইকেলনর বাস স্টপেজে নেমে ১৫ মিঃ

কবিতা সংকলন

শ্রীমিতা

সম্পাদক: মনুজয় সরকার

লেখা পাঠানোর পদ্ধতিঃ-

১. স্রষ্টার লেখা যেকোনো পর্যায়ের হতে পারে।
২. কবিতা সর্বাধিক ২৪ লাইনের মধ্যেই নির্বাচিত হবে।
৩. লেখা পাঠানোর ৩ দিনের মধ্যে মনোনীত হলে যোগাযোগ করা হবে।
৪. লেখা হোয়াটসঅ্যাপ টাইপ অথবা ডকুমেন্ট করে পাঠাতে হবে।

লেখা পাঠানোর ঠিকানাঃ-

6295314053

লেখা পাঠানোর সময় সীমাঃ-

২রা সেপ্টেম্বর, ২০২৩

আমাদের বিশিষ্টতাঃ-

১. Govt. Registered
২. ISBN allocated
৩. Online/Offline selling

*[বিঃ দ্রঃ— বই প্রকাশ অনঠানে উপস্থিত থাকবেন বাংলার বিশিষ্ট সাহিত্য, অভিনয়, সঙ্গীত ও নৃত্য জগতের দিকপালেরা, এছাড়াও সাংবাদিক সম্মেলনের মাধ্যমে প্রকাশ পাবে বইটি।]
**[বিঃ দ্রঃ— আমরা সৌজন্য সংখ্যা দিতে অপারগ তাই একটি কপি বই প্রিবুক করার অনুরোধ জানাই।]



জমি দিয়েও চাকরি মেলেনি,

জেলাশাসকের দফতরে ধনী

দেউচা পাঁচামিতে জমিদারদের একাংশ

সিউডি : নিউজ সারাদিন : ৬১৩ জন জমিদার রয়েছেন। ২০২৩-২৪ সালের বাজেটে দেউচা পাঁচামিতে কর্মসংস্থানের আশ্বাস দিয়েছিল রাজ্য সরকার। কিন্তু, প্রায় দেড় বছর আগে জমি দেওয়া হলেও, এখনও চাকরি মেলেনি। এই অভিযোগ তুলে বৃহৎ পতিবার সঙ্ঘে জেলাশাসকের দফতরে ধনী বসেন দেউচা পাঁচামি কয়লা খনি এলাকার জমিদারদের একাংশ। তিনি আরও বলেছিলেন, 'দেউচা পাঁচামি হলে লক্ষ্যধিক ছেলেমেয়ের চাকরি হবে। সরকার অনেক টাকা খরচ করবে। আমরা দেউচা পাঁচামিতে কাউকে বঞ্চিত করছি না। জমির বদলে জমি, বাড়ির বদলে বাড়ি দেওয়া হচ্ছে। বাড়ি করতে ৫ লক্ষ টাকা প্যাকেজ দেওয়া হবে। বাড়ি করার জন্য দেওয়া হচ্ছে ৭ লক্ষের আর্থিক প্যাকেজ। দেউচা পাঁচামিতে প্রতি পরিবার থেকে দেওয়া হবে চাকরি। রাজ্য এখানে ৩৫ হাজার কোটি টাকা বিনিয়োগ করবে। দেউচা পাঁচামি হলে ১০০ বছর কোনও বিন্দুত সঙ্কট হবে না। চাকরি-বাড়ি-জমি সব কিছুই দেওয়া হবে। আমি চাই দেউচা-পাঁচামিতে স্থানীয় ছেলেমেয়েদের চাকরি হোক। কেউ কেউ ওখানে গিয়ে মিথ্যা প্রচার করছেন। এটা বাংলার নিজস্ব শিল্প, ১ লক্ষের চাকরি হবে।' আন্দোলনকারীদের দাবি, প্রায়

উদ্বোধনী মরসুমে রাঁচির রাহুল

ভগত অ্যামাজন মিনি টিভির হিপ হপ ইন্ডিয়া জিতেছে!

গলি সে গ্লোরি তক সফরে শিরোপা জয়ের জন্য রাহুল ভগতকে নিশান ম্যাগনাইট গাজা স্পেশাল এডিশন সম্মানে পুরস্কৃত করা হল



Kolkata, 1st September 2023: নিউজ সারাদিন : আমাজন মিনি টিভির সবচেয়ে বড় ডান্স রিয়েলিটি শো - হিপ হপ ইন্ডিয়ার জমকালো গ্র্যান্ড ফিনালে সম্পন্ন হয়েছে। যার ফলাফল আপনাদের সামনে আনা হচ্ছে। এই নৃত্য শোতে একটি দুর্দান্ত পারফরম্যান্স দেওয়ার পরে, রাহুল ভগত উদ্বোধনী মরসুমে জিতেছেন। এই রিয়েলিটি শো ছিল একটি ডান্স ম্যারাথন, অনুষ্ঠানটির বিচারক ছিলেন নাচের মাস্টার রেমো ডিসুজা এবং প্রখ্যাত বলিউড নৃত্যশিল্পী নোরা ফাতেহি। এই গ্র্যান্ড ফিনালেতে রাপের্স বাদশা এবং রাফতার, তাদের স্বপ্ন অবতার দিয়ে মঞ্চ কে আলোকিত করে হিপ হপ ইন্ডিয়া সারা ভারত থেকে আসা

উস্তাদ, তার নাচের এই যাত্রা শুরু হয়েছিল চতুর্থ শ্রেণী থেকেই। প্রায় এক দশক ধরে নাচের অনুষ্ঠানে দর্শকদের মুগ্ধ করে আসছেন তিনি। এখন তার পরবর্তী লক্ষ্য পুরো বাড়িগুণে হিপ-হপ নাচের প্রচার করা। গ্র্যান্ড ফিনালেতে, বলিউডের নৃত্যশিল্পী এবং এই অনুষ্ঠানের বিচারক নোরা ফাতেহি ও তার চুল উত্থাপনকারী নৃত্য পরিবেশন করেন। দিলবরের দিল সাদকে এবং ডিভাইন-এর মির্চি গান দিয়ে নোরা সবার মন জয় করেছেন। এছাড়াও, নৃত্যশিল্পী এবং বিচারক রেমো ডিসুজা ও ৩ বছর পর একটি লাইভ পারফরম্যান্স দিয়েছেন। তার সাথে তাল মিলিয়ে সিলিব্রিটি বিচারক বাদশা এবং রাফতার যারা তাদের দুর্দান্ত পারফরম্যান্স দিয়ে মঞ্চে আঙন লাগিয়েছিলেন। বিচারক রেমো ডিসুজা বলেন, "রাহুল ভারতের অন্যতম প্রতিভাবান এবং আশ্চর্যজনক হিপহপ নর্তক। তার হাতে এই হিপহপ চ্যাম্পিয়নশিপ বেট দেখে আমি খুব খুশি।" তার প্রতিভা, নাচের প্রতি অটুট আবেগ জাতির জন্য অনুপ্রেরণার উৎস, যা তাকে গলি থেকে গৌরবে নিয়ে গেছে। শুধু রাহুলই নয়, হিপ হপ ইন্ডিয়ার সমস্ত প্রতিযোগীকে ধন্যবাদ জানাতে চাই যারা এখানে তাদের সব দিয়েছেন। আমি সমস্ত দর্শকদের কে তাদের অটল সমর্থনের জন্য এবং শোটির প্রথম সংস্করণটি এত বড় সাফল্যের জন্য ধন্যবাদ জানাতে চাই।

সোহা চিন্তাভাবনা করে কীভাবে পরিবার এবং

নিজের যত্ন নেয় সে সম্পর্কে তার টিপস শেয়ার করে



Kolkata, 1st September 2023: নিউজ সারাদিন : একজন মা এবং স্ত্রী হিসাবে, আমার পরিবারের যত্ন নেওয়া সর্বদা আমার শীর্ষ অগ্রাধিকার। যাইহোক, আমি বুঝতে পেরেছি যে একটি স্বাস্থ্যকর এবং সুখী পরিবার বজায় রাখার জন্য নিজের যত্ন নেওয়াও ততটাই গুরুত্বপূর্ণ, তাই আমি আমার পরিবার এবং আমার, উভয় ক্ষেত্রেই সচেতনভাবে সিদ্ধান্ত নেওয়ার চেষ্টা করি। প্রথম এবং সবচেয়ে গুরুত্বপূর্ণ হল আমি স্বাস্থ্যকর খাওয়া অভ্যাস কে গুরুত্ব দি। আমি নিশ্চিত করি যে আমরা বিভিন্ন ধরণের তাজা ফল এবং শাকসবজি, চর্বিহীন প্রোটিন এবং পুরো শস্য খাই। আমি এটাও নিশ্চিত করি যে আমরা সারাদিন প্রচুর জল গ্রহণ করে হাইড্রেটেড থাকি। এটি শুধুমাত্র আমাদের শারীরিক স্বাস্থ্য কে নিশ্চিত করে না বরং স্বাস্থ্য কে নিশ্চিত করে না বরং স্বাস্থ্যকর অভ্যাসের একটি

এবং এখন আমি আমার মেয়ের মধ্যেও দেয়ার চেষ্টা করছি। আমি স্বাস্থ্যকর খাওয়ার পাশাপাশি, আমার শারীরিক কার্যকলাপকেও খুঁটি গুরুত্ব দিয়ে থাকি। আমি আমার বাচ্চাদের বাইরে হাঁটতে বা পার্কে খেলার জন্য নিয়ে যাওয়া নিশ্চিত করি এবং আমি আমার নিজের ব্যায়ামের রুটিনের জন্যও সময় বের করি। একটি যোগ ক্লাস হোক, একটি জিম সেশন বা বাইরে জগিং এর জন্যে যাওয়া, আমি মনে করি যে ব্যায়াম আমাকে স্ট্রেস মুক্ত করতে এবং শক্তি অনুভূতি করতে সাহায্য করে। মানসিক স্বাস্থ্য শারীরিক স্বাস্থ্যের মতোই গুরুত্বপূর্ণ, আমি আমার এবং আমার পরিবার উভয়ের জন্য এই বিষয়টিকে প্রাথমিক ভাবে গুরুত্ব দি। আমরা বিশ্রাম এবং সচেতন গতিবিধির জন্যে ধ্যান এবং গভীর শ্বাসের ব্যায়ামের করার জন্য সময় বের করি। আমি আমার পরিবারের সাথে খোলামেলা যোগাযোগ নিশ্চিত করি এবং তাদের অনুভূতি এবং আবেগ প্রকাশ করতে উতসাহিত করি। সবশেষে, চিন্তা ভাবনা করে আমার পরিবারের এবং নিজের যত্ন নেওয়াই আমার জীবনের এক মাত্র উদ্দেশ্য। স্বাস্থ্যকর খাওয়া, শারীরিক কার্যকলাপ, মানসিক স্বাস্থ্য, পরিবেশগত সচেতনতা ও বিশ্রাম এবং পর্যাপ্ত ঘুম আমাদের প্রথম উদ্দেশ্য বলেই আমাদের সামগ্রিক স্বাস্থ্য এবং সুস্থতার উন্নতি হয়েছে। পাশাপাশি একটি পরিবার হিসাবে আমাদের কে এক জোট রাখতে সাহায্য করে।

রাষ্ট্রপতি ৫ সেপ্টেম্বর ৭৫ জন

শিক্ষক শিক্ষিকাকে জাতীয় শিক্ষক পুরস্কার ২০২৩ প্রদান করবেন



নতুন দিল্লি, ২ সেপ্টেম্বর, ২০২৩ : নিউজ সারাদিন : রাষ্ট্রপতি শ্রীমতী দ্রৌপদী মুর্মু নতুন দিল্লির বিজ্ঞান ভবনে ৫ সেপ্টেম্বর ৭৫ জন শিক্ষক শিক্ষিকাকে জাতীয় শিক্ষক পুরস্কার ২০২৩ প্রদান করবেন। প্রতি বছর ৫ সেপ্টেম্বর ৬:০০ সর্বপল্লী রাধাকৃষ্ণণের জন্মদিনটিকে জাতীয় শিক্ষক দিবস হিসেবে উদযাপন করা হয়। দেশের শিক্ষক শিক্ষিকাদের গুরুত্বপূর্ণ অবদানকে শ্রদ্ধা জানিয়ে এবং তাঁদের দায়বদ্ধতার প্রতি সম্মান প্রদর্শনের উদ্দেশ্যে জাতীয় শিক্ষক পুরস্কার প্রদান করা হয়। এর মধ্য দিয়ে শিক্ষার গুণমান যেমন বৃদ্ধি পায়, পাশাপাশি ছাত্র-ছাত্রীরাও উপকৃত হয়। প্রতি বছর জাতীয় শিক্ষক পুরস্কার হিসেবে একটি শংসাপত্র, নগদ পুরস্কার ৫০ হাজার টাকা এবং একটি রৌপ্য পদক দেওয়া হয়। পুরস্কার প্রাপকরা প্রধানমন্ত্রীর সঙ্গেও সাক্ষাৎ করেন। প্রতি বছর শিক্ষক দিবস উপলক্ষে জাতীয় স্তরে এই পুরস্কার প্রদান অনুষ্ঠানটি কেন্দ্রীয় শিক্ষা মন্ত্রকের স্কুল শিক্ষা ও সাক্ষরতা দপ্তর আয়োজন করে। পুরস্কার



জি-২০ সম্মেলনের আগে নরেন্দ্র মোদীর সঙ্গে জো বাইডেনের বৈঠক



স্টাফ রিপোর্টার, নিউজ সারাদিন : মার্কিন প্রেসিডেন্ট জো বাইডেন আগামী সপ্তাহে জি২০ সম্মেলনে যোগ দিতে ভারতে আসছেন। ঐতিহাসিক সম্মেলনের ফাঁকে ৮ সেপ্টেম্বর তিনি প্রধানমন্ত্রী নরেন্দ্র মোদীর সঙ্গে দ্বিপাক্ষিক বৈঠক করবেন। শনিবার হোয়াইট হাউসের তরফে একথা জানানো হয়েছে। নতুন দিল্লিতে ৯ ও ১০ সেপ্টেম্বর বসবে জি-২০ শীর্ষ সম্মেলনের আসর জি২০ বা গ্রুপ অফ দেশগুলি হল- বাংলাদেশ, মিশর, মার্কিন যুক্তরাষ্ট্র ও ইউরোপীয় ইউনিয়ন (ইইউ)। অতিথি দেশগুলো হল- বাংলাদেশ, মিশর, ওমান, সিঙ্গাপুর, স্পেন এবং সংযুক্ত আরব আমিরশাহি। হোয়াইট হাউসের বিবৃতিতে বলা হয়েছে, বৃহস্পতিবার ৭ সেপ্টেম্বর প্রেসিডেন্ট বাইডেন জি২০ নেতাদের শীর্ষ সম্মেলনে যোগ দিতে ভারতের নতুন দিল্লিতে যাবেন। শুক্রবার তিনি প্রধানমন্ত্রী নরেন্দ্র মোদীর সঙ্গে দ্বিপাক্ষিক বৈঠকে অংশ নেবেন। দুই নেতা ইউক্রেন ও রাশিয়ার যুদ্ধের অর্থনৈতিক ও সামাজিক প্রভাব, দারিদ্র্য মোকাবেলায় বিশ্ব ব্যাঙ্ক-সহ নানা বিষয়ে কথা বলবেন।

গত আট দিনের মাথায় ঝাড়গ্রাম ব্লকে

হাতির হামলায় তিনজনের মৃত্যু ও একটি পূর্ণবয়স্ক হাতির মৃত্যু



অরুণ ঘোষ, ঝাড়গ্রাম : নিউজ সারাদিন : ঝাড়গ্রাম ব্লক সহ ঝাড়গ্রাম জেলা জুড়ে হাতির তাণ্ডব অব্যাহত রয়েছে। হাতির হামলায় প্রাণ হানির ঘটনা অব্যাহত রয়েছে। সেই সঙ্গে হাতির মৃত্যুর ঘটনাও ঘটেছে। যার ফলে ঝাড়গ্রাম ব্লক সহ গোটা ঝাড়গ্রাম জেলা জুড়ে হাতির হামলার আশঙ্কা ক্রমশ বেড়েই চলেছে। গত শনিবার হাতির হামলায় ঝাড়গ্রাম ব্লকের কেউদিশোল গ্রামে জীবনসিং নামে এক ব্যক্তির মৃত্যু হয়। সেই ঘটনার

উদ্ধার করে ময়না তদন্তের জন্য ঝাড়গ্রাম মেডিক্যাল কলেজ ও হাসপাতালের মর্গে পাঠায়। বন দফতরের পক্ষ থেকে মৃত ব্যক্তির পরিবারকে সরকারি ক্ষতিপূরণ দেওয়ার আশ্বাস দেওয়া হয়েছে। গত ৮ দিনের মাথায় ঝাড়গ্রাম ব্লকে তিনজনের মৃত্যু হয়েছে হাতির হামলায় এবং একটি হাতির মৃত্যুর ঘটনা ঘটেছে। ঝাড়গ্রাম ব্লক জুড়ে প্রায় শতাধিক হাতি দাপিয়ে বেড়াচ্ছে। যার ফলে আরো প্রাণহানি ও ফসলের ক্ষতির আশঙ্কা করছেন ঝাড়গ্রাম ব্লকের বাসিন্দারা। যেভাবে হাতির দল তাণ্ডব চালিয়ে প্রাণ হানির ঘটনা ঘটাচ্ছে এবং ফসলের ক্ষতি করছে তাতে ঝাড়গ্রাম ব্লকসহ ঝাড়গ্রাম জেলার বাসিন্দারা হাতির হামলার আশঙ্কায় আতঙ্কের মধ্যে রয়েছে বলে গ্রামবাসীরা জানান। বন দপ্তরের পক্ষ থেকে সকলকে সতর্ক থাকার নির্দেশ দেওয়া হয়েছে এবং বিভিন্ন এলাকায় গিয়ে বন দফতরের কর্মীরা হাতির দলের গতিবিধির উপর নজরদারি শুরু করেছে।



১-ম পাতার পর

ধূপগুড়িকে আলাদা মহকুমা ঘোষণা করা হবে, নির্বাচনী প্রচারে গিয়ে জানালেন অভিষেক

বিধানসভা ভোটে। কিন্তু তারা কেউ আপনাদের দাবি নিয়ে বিধানসভায় কথা বলেননি। ওরা কেবল বাংলা ভাগের কথা বলেছে। কিন্তু আপনাদের উন্নয়নের কথা ভাবছেন।

খাল সংষ্কার যে কাজ শুরু হয়েছে। ৬ মাসের মধ্যে কাজ শেষ হবে। এর ফলে লক্ষাধিক কৃষক উপকৃত হবে। এখানেই থেমে থাকেননি অভিষেক। এদিনের সভামঞ্চ থেকে তৃণমূলের জয়ী পঞ্চগয়েত প্রধানদেরও ঝঁশয়ারি দেন তিনি।

বলেন যে, কাজ না করলে কাউকে পদে রাখা হবে না। ধূপগুড়ি থেকেই এই প্রক্রিয়াটা শুরু করবেন বলেও জানান তিনি। তাঁর কথায়, আমি দুমাস পর রিপোর্ট নেব। দেখব কারা কারা মানুষের জন্য কাজ করেছেন। যদি

কেউ ভাল কাজ করে তবে তাঁর পদের মেয়াদ বাড়বে, আর যদি কেউ খারাপ কাজ করেন মানুষের সঙ্গে দুর্ব্যবহার করে তবে তাঁকে দল থেকে বহিস্কার করে প্রশাসনিক স্তরে ব্যবস্থা নেওয়া হবে।

১-ম পাতার পর

মহাকাশে পাড়ি দিল ইসরোর আদিত্য-এল১

পয়েন্টের (এল১) দিকে নিয়ে যাওয়া হবে। আদিত্য এল১ ভারতের প্রথম মহাকাশ অভিযাত্রী। এর কাজ হবে সূর্যকে পর্যবেক্ষণ করে

তথ্য সংগ্রহ করা। যে পয়েন্টে থাকবে, সেটাকে এল১ বা সান-আর্থ ল্যাগ্রেঞ্জ পয়েন্ট বলে। সেখান থেকেই সৌর করোনার ও সৌর বায়ুর ইন-সিটু পর্যবেক্ষণ করবে। পৃথিবী

থেকে এই এল-১ পয়েন্টের দূরত্ব ১৫ লক্ষ কিলোমিটার। সেখান থেকে আদিত্য এল-১ সরাসরি সূর্যকে পর্যবেক্ষণ করতে পারবে। সূর্যের উত্তপ্ত হওয়ার কারণ, সূর্যকে ঘিরে

থাকা বাতাসের রাসায়নিক উপাদান, তার উত্তাপ এবং সূর্য সংক্রান্ত নানা বিষয়ে ইসরোকে তথ্য পাঠাবে আদিত্য এল-১। এর মধ্যে ৭টি পেলেড রয়েছে।

১-ম পাতার পর

এক দেশ এক ভোট: আট সদস্যের কমিটিতে অমিত শাহের সঙ্গে অধীর চৌধুরী

সংক্রান্ত বিধি এবং ১৯৫১ সালের ভারতীয় জনপ্রতিনিধিত্ব আইনও কিছু সংশোধন করার প্রয়োজন হতে পারে। অর্থাৎ, কোবিদকে নিয়ে মোট আট জন সদস্য থাকবে। এক দেশ এক ভোট রূপায়ণ কমিটিতে। কমিটির নেতা হিসাবে কোবিদের নাম শুক্রবারেই ঘোষণা করেছিল কেন্দ্র। শনিবার কমিটির বাকি সদস্যদের নামও প্রকাশ্যে এল। লোকসভা ভোটের আগে 'এক দেশ এক ভোট' নীতি কার্যকর করার ততপরতা শুরু করেছে মৌদী সরকার। গত বৃহস্পতিবার কেন্দ্রীয় সংসদীয় মন্ত্রী প্রহ্লাদ জোশী আগামী ১৮ সেপ্টেম্বর থেকে পাঁচ দিনের জন্য সংসদের

বিশেষ অধিবেশন ডাকার কথা ঘোষণা করেছেন। সেখানে অভিনু দেওয়ানি বিধির পাশাপাশি 'এক দেশ এক ভোট' সংক্রান্ত বিল পাশ করানো হতে পারে বলে জল্পনা রয়েছে। সেই বিশেষ অধিবেশনেই কোবিদের নেতৃত্বাধীন কমিটি রিপোর্ট পেশ করতে পারে। এক দেশ এক ভোট নীতির কার্যকর করার মাধ্যমে লোকসভা ভোটের সঙ্গেই সব রাজ্যের বিধানসভা ভোটও সেরে ফেলতে চাইছে কেন্দ্র। এ বিষয়ে মৌদী সরকারের যুক্তি হল, এতে নির্বাচনের খরচ কমবে। একটি ভোটার তালিকাতেই দুটি নির্বাচন হওয়ায় সরকারি কর্মীদের তালিকা তৈরির কাজের চাপ

কমবে। ভোটের আদর্শ আচরণ বিধির জন্য বার বার সরকারের উন্নয়নমূলক কাজ থমকে থাকবে না। নীতি আয়োগ, আইন কমিশন, নির্বাচন কমিশনও এই ভাবনাকে নীতিগত সমর্থন জানিয়েছে বলে কেন্দ্রের দাবি। প্রসঙ্গত, ২০১৪ সালে প্রথম বার প্রধানমন্ত্রী পদে শপথ নেওয়ার পরেই মৌদী 'এক দেশ এক ভোট' তত্ত্ব প্রকাশ্যে এনেছিলেন বিরোধী দলগুলি অবশ্য প্রথম থেকেই 'এক দেশ এক ভোট' পদ্ধতির সমালোচনা করে আসছে। মুম্বইয়ে ইন্ডিয়া'র বৈঠকেও বিষয়টি নিয়ে সরব হয়েছেন বিরোধী নেতারা। তাঁদের মতে, এই নীতি নিয়ে মৌদী সরকার ঘুরপথে আমেরিকার

প্রেসিডেন্ট নির্বাচন ধাঁচের ব্যবস্থা চালু করতে চাইছে। বিরোধীদের অভিযোগ, এটি যুক্তরাষ্ট্রীয় কাঠামো এবং সংসদীয় গণতন্ত্রিক ভাবনার পরিপন্থী। বিজেপি-বিরোধী আঞ্চলিক দলগুলির আশঙ্কা, 'এক দেশ এক ভোট' নীতি কার্যকর হলে লোকসভার 'চেউয়ে' বিধানসভাগুলি ভেঙ্গে যাবে। যুক্তরাষ্ট্রীয় কাঠামোয়, সাংসদ এবং বিধায়ক নির্বাচনের ক্ষেত্রে যেটুকু বৈচিত্র্যের সম্ভাবনা রয়েছে, বিজেপির আগ্রাসী প্রচারের মুখে তা ভেঙে পড়বে। 'এক ভোট' ব্যবস্থা চালুর পরে কেন্দ্রে বা কোনও রাজ্যে পাঁচ বছরের আগেই নির্বাচিত সরকার পড়ে গেলে কী হবে, প্রশ্ন রয়েছে তা নিয়েও।

উত্তর মেসিডোনিয়া ও ভারত দ্বিপাক্ষিক সম্পর্ক আরও গভীর করবে বলেছেন পররাষ্ট্রমন্ত্রী বুজার ওসমানী



1 September, 2023, Kolkata: নিউজ সারাদিন : মাদার টেরিজার জন্মের শহর স্কোপজে থেকে একটি প্রতিনিধি দল যার মধ্যে পররাষ্ট্র মন্ত্রী, জনাব বুজার ওসমানী, মহামান্য, মিঃ স্লোবোদান উজ্বানভ, ভারতে রাষ্ট্রদূত এবং অন্যান্যরা কলকাতার সেন্ট টেরিজার প্রতি শ্রদ্ধা জানাতে মাদার হাউস পরিদর্শন করেন এবং কলকাতার আর্চবিশপ হিজ গ্রেস টমাস ডিসুজার সাথেও দেখা করেন এবং কলকাতার আর্চবিশপ হাউসে স্থাপিত মাদার টেরিজার একটি জীবিত আকারের ব্রোঞ্জ মূর্তির প্রার্থনার মধ্যে পুষ্পস্তবক অর্পণ করেন। কলকাতায় মিঃ বুজার ওসমানী বলেন "আমরা খুব গুরুত্ব দিই যাতে ভারত এবং আমাদের দ্বিপাক্ষিক সম্পর্ক আরও গভীর এবং জোরদার হয়ে। আমরা অর্থনৈতিক ও রাজনৈতিক সহযোগিতার ক্ষেত্রে একটি নতুন অধ্যায় খোলার পরিকল্পনা করছি। আমি মনে করি ভারত এবং উত্তর মেসিডোনিয়া প্রজাতন্ত্রের মধ্যে অর্থনৈতিক সম্পর্ক বৃদ্ধির একটি বিপুল অব্যবহৃত সম্ভাবনা রয়েছে।"

গ্রেস, টমাস ডিসুজা বলেন যে শহরটিতে মাদার টেরিজা জন্মগ্রহণ করেছিলেন সেই স্কোপজে শহর থেকে আসা আমাদের অতিথিদের সাথে দেখা করে এবং মাদার টেরিজার প্রতি শ্রদ্ধা জানাতে পেরে খুবি ভালো লাগছে। আমি আমাদের শুভাকাঙ্ক্ষীর কলকাতায় উত্তর মেসিডোনিয়ার অনারারি কনসাল মিঃ নমিত বাজোরিয়া কাছে কৃতজ্ঞতার সাপোর্ট এর জন্য,"

বিদেশ বিষয়ক মন্ত্রী মেয়র ফিরহাদ হাকিমের সাথেও দেখা করেন এবং পর্যটন, সাংস্কৃতিক এবং অন্যান্য ক্ষেত্রে সম্ভাব্য সহযোগিতা নিয়ে আলোচনা করেন। মেয়র আগামী বিজিবিএস-এ মন্ত্রীকে কলকাতায় আসার জন্য ব্যক্তিগত আমন্ত্রণ জানান। উভয়েই উত্তর মেসিডোনিয়া এবং পশ্চিমবঙ্গের মধ্যে সাংস্কৃতিক বিনিময় বাড়তে সম্মত হন।

মিঃ ওসমানী আরো বলেন "দিল্লিতে আমাদের রাষ্ট্রদূত এবং কলকাতায় রিপাবলিক অফ নর্থ মেসিডোনিয়ার অনারারি কনসাল, মিঃ নমিত বাজোরিয়া, পশ্চিমবঙ্গের সাথে ব্যবসায়িক ও সাংস্কৃতিক সম্পর্ক অর্জনের জন্য আমাদের লক্ষ্যগুলি অর্জন করতে এটিকে এগিয়ে নিয়ে যাবেন। কলকাতায় রিপাবলিক অফ নর্থ মেসিডোনিয়ার অনারারি কনসাল, মিঃ নমিত বাজোরিয়া বলেন "মাদার টেরিজা হলেন সেই পথপ্রদর্শক শক্তি যা স্কোপজে এবং কলকাতাকে আধ্যাত্মিক বন্ধনের মাধ্যমে বেঁধেছে। স্কোপজে ছিল তার জন্মভূমি যেখানে তার জন্ম হয়েছিল, অন্যদিকে কলকাতা ছিল তার কর্মভূমি। আমি

৮৫ বছরের বৃদ্ধাকে ধর্ষণ, রোড দিয়ে চিরে দেওয়া হল চৌটা!

গ্রেপ্তার ২৮ বছরের যুবক



স্টাফ রিপোর্টার, নিউজ সারাদিন : রাজধানীর বৃকে পাশবিক অত্যাচারের শিকার হলেন ৮৫ বছর বয়সী এক বৃদ্ধা। শুক্রবার ধর্ষণের শিকার হলেন এক বৃদ্ধা। দিল্লির মহিলা কমিশনের প্রধান স্বাতী মালিওয়াল টুইট করে ঘটনাটি তুলে ধরেন। দিল্লি পুলিশের তরফে জানানো হয়েছে, ইতিমধ্যেই ২৮ বছরের এক যুবককে গ্রেফতার করা হয়েছে। দিল্লি, মহিলা কমিশনের প্রধান টুইটে দিল্লি পুলিশের কাছে এফআইআরের কপি ও ঘটনার অন্যান্য তথ্য জানতে চেয়েছেন। পুলিশ সূত্রে জানা গিয়েছে, শুক্রবার ভোর চারটে নাগাদ ঘটনাটি ঘটে। দিল্লির

নেতাজি সুভাষ প্লেস এলাকার বাসিন্দা ওই বৃদ্ধা বাড়িতে ঘুমোচ্ছিলেন। সেই সময়ে অভিযুক্ত আকাশ (২৮) তাঁর বাড়িতে ঢুকে পড়ে এবং বৃদ্ধাকে ধর্ষণ করে। অভিযোগ, অভিযুক্ত ওই বৃদ্ধাকে মারধর করে। রোড দিয়ে তাঁর চৌটা ফালাফালা করে দেয়। বৃদ্ধার মুখে ও গোপনাঙ্গে গভীর

ক্ষত রয়েছে বলে জানা গিয়েছে। পুলিশের তরফে জানানো হয়েছে, ঘটনার অভিযোগ পাওয়ার পরই তদন্ত শুরু করা হয়। ইতিমধ্যেই অভিযুক্তকে গ্রেফতার করা হয়েছে। অভিযুক্তের নাম আকাশ (২৮)। তাঁকে জিজ্ঞাসাবাদ করা হচ্ছে। পুলিশ জানিয়েছে, মুখে আর গোপনাঙ্গে গুরুতর চোট পেয়েছেন ওই মহিলা। আপাতত চিকিৎসা চলছে তাঁর। ঘটনায় অভিযুক্ত আকাশের বিরুদ্ধে এফআইআর দায়ের করা হয়েছে। ঠিক কোন উদ্দেশ্যে এই ঘটনা ঘটিয়েছে ২৮ বছরের অভিযুক্ত, তা জেরা করে জানানোর চেষ্টা করছে পুলিশ।

সামনের বছরগুলিতে ভারত এবং উত্তর মেসিডোনিয়া প্রজাতন্ত্রের মধ্যে সামাজিক, সাংস্কৃতিক, অর্থনৈতিক এবং রাজনৈতিক সম্পর্ক আরও গভীর হওয়ার অপেক্ষায় রয়েছে। মিঃ নমিত বাজোরিয়া বলেন কলকাতায় রিপাবলিক অফ নর্থ মেসিডোনিয়ার আমাদের অফিস পশ্চিমবঙ্গের সাথে ব্যবসায়িক বৃদ্ধি এবং সাংস্কৃতিক বিনিময়ের জন্য একটি পরিবেশ গড়ে তোলার জন্য এবং জনগণের মধ্যে যোগাযোগের বিকাশ ঘটতে সক্রিয় পদক্ষেপ নেবে। কলকাতার সেন্ট টেরিজার ব্রোঞ্জ মূর্তি, চার্চ আর্টের মিঃ সুব্রত গাঙ্গুলির ডিজাইন করা ২০১৬ সালের সেপ্টেম্বরে মিঃ নমিত বাজোরিয়া কলকাতা এবং মেসিডোনিয়ার রাজধানী শহর স্কোপজে যেখানে মাদার টেরিজা জন্মগ্রহণ করেছিলেন তার মধ্যে একটি প্রতীকী সংযোগ চিহ্নিত করতে দান করেছিলেন এবং ২০১৬ সালের সেপ্টেম্বরের শুরুতে মাদার টেরিজার ক্যানোনাইজেশন এক সপ্তাহ আগে পশ্চিমবঙ্গের মুখ্যমন্ত্রী মমতা ব্যানার্জি আনুষ্ঠানিকভাবে মূর্তির উদ্বোধন করেছিলেন।



চন্দ্রের পর সূর্য অভিযানেও সামিল বাংলার দুই কৃতি!

বুক ভরা আশায় পরিবারের লোকজন

স্টাফ রিপোর্টার, নিউজ সারাদিন : আকাশ পথে একের পর এক ইতিহাস তৈরি করে চলেছে ভারতীয় মহাকাশ সংস্থা ইসরো। কিছুদিন আগেই চন্দ্রযান ৩ নজিরবিহীন ভাবে সফলতা অর্জন করেছে। ইসরোর এই চন্দ্র অভিযানের পর তৈরি হয়েছে ইতিহাস। চন্দ্র অভিযানে সামিল ছিলেন

বেশ কিছু বাঙালি বৈজ্ঞানিক। এই সম্পর্কে বলতে গিয়ে সানি মিত্র বলেছেন, "এলভিএম থ্রি লঞ্চার ভেহিকেল ব্যবহার করা হয়েছিল চন্দ্রযান তিনে। তবে আদিত্য এলওয়ান মিশনে ব্যবহার করা হচ্ছে পিএসএলভি রকেট। স্টেট প্রোফাইল লঞ্চার ভেহিকেল

এটি। কোনও রকম সলিড বুস্টার এতে নেই। এছাড়াও আদিত্য স্পেশাল ক্রাফটে ব্যবহৃত হয়েছে সেকেন্ড স্টেজ হাই প্রেসার লোয়ার থ্রাস্ট বিকাশ ইঞ্জিন।" এরপর ইসরোর নতুন সূর্য অভিযানেও সামিল বাংলার কিছু কৃতি সন্তান। এঁদের মধ্যেই একজন হলেন

বসিরহাটের বাদুড়িয়া ব্লকের রামচন্দ্রপুর গ্রাম পঞ্চগয়েতের জয়ন্ত পাল। চন্দ্রযান তিনের বিক্রম ল্যান্ডারকে সফট ল্যান্ডিংয় করিয়ে রীতিমতো সাড়া ফেলে দিয়েছিলেন তিনি। এরপর জয়ন্ত পালের লক্ষ্য সফলভাবে সৌর অভিযান। জয়ন্ত ছোটবেলা থেকে অত্যন্ত দারিদ্রের সাথে লড়াই করে

বেড়ে উঠেছেন। ইসরোর সৌর অভিযানের সাথেও জয়ন্ত এই সাফল্যের অত্যন্ত আনন্দিত তার বাবা-মা ও প্রতিবেশীরা। জয়ন্ত পালের পাশাপাশি ইসরোর সৌর অভিযানে নাম জুড়েছে আরো এক বাঙালি বৈজ্ঞানিক রানীগঞ্জের বাসিন্দা সানি মিত্রের। বাংলার এই ছেলে রয়েছেন ইসরোর সৌর

অভিযানের বিকাশ ইঞ্জিন বিভাগে। চন্দ্রযান ৩ এর মতোই ইসরোর কাছে অত্যন্ত গুরুত্বপূর্ণ এই সৌর অভিযান। সূর্যের উদ্দেশ্যে পাঠানো আদিত্য এল১ এর সূর্যের কক্ষপথে পৌঁছতে প্রায় চার মাস সময় লাগবে। এরপর নির্দিষ্ট পয়েন্টে প্রতিস্থাপন করানোটাও বেশ চ্যালেঞ্জের।

সূর্যকে প্রদক্ষিণ করবে ও তার সম্বন্ধে তথ্য পাঠাবে। বাংলার তরুণ বিজ্ঞানী সানি মিত্র জানিয়েছেন, চন্দ্রযানকে চাঁদের মাটিতে সফট ল্যান্ডিং করানো যেমন চ্যালেঞ্জের ছিল, আদিত্য এল১ কেও স্পেসক্রাফটের অরবিটে প্রতিস্থাপন করানোটাও বেশ চ্যালেঞ্জের।

২ বর্ষ ২৪৩ সংখ্যা ০৩ সেপ্টেম্বর, ২০২৩ রবিবার ১৬ ভাদ্র, ১৪৩০

সম্পাদকীয়

চিনকে রুখতে এয়ারফিল্ড সংস্কারে দায়িত্ব পেলেন লেডি অফিসার, প্রতিরক্ষায় নারীশক্তি

ফাইটার অপারেশনের জন্য পূর্ব লাদাখ প্রকৃত নিয়ন্ত্রণরেখার কাছেই একটি এয়ারফিল্ডের পরিকাঠামোগত উন্নতি করতে চাইছে সরকার। মূলত ভবিষ্যতে চীন যদি এখানে কোনও রকম সমস্যা তৈরির চেষ্টা করে তবে তা ততক্ষণেই রুখে দেওয়ার জন্ম উন্নত করা হবে এই এয়ারফিল্ড। আর সবথেকে তাতপর্যপূর্ণ বিষয় হল মহিলা অফিসাররা এই এয়ারফিল্ডের তত্ত্বাবধানের দায়িত্বে থাকবেন। সেই ১৯৬২ সালে ভারত-চীন যুদ্ধের সময় এই এয়ারফিল্ডটি ব্যবহার করা হয়েছিল। তারপর থেকে কার্যত পড়েছিল এটি। এরপর ২০০৯ সালের সেপ্টেম্বর মাসে এএন-৩২ ট্রান্সপোর্ট এয়ারক্রাফট এখানে নামানো হয়েছিল। সেবারই প্রথমবার এই ধরনের বিমান নামানো হয় এখানে। এরপর একাধিক সেনার বিমান নেমেছে এখানে। তবে শুধু এখানেই নয়, কর্নেল ডেমিংয়ের ইউনিট লাদাখের রাস্তা তৈরির ক্ষেত্রেও বড় ভূমিকা নিয়েছে। কার্যত লেডি অফিসারদের উপর বিরাট কাজের দায়িত্ব দিল প্রতিরক্ষা দফতর। এটা যথেষ্ট তাতপর্যপূর্ণ। ২০২৫ সালের সেপ্টেম্বর মাসের মধ্যেই এই এয়ারফিল্ডের কাজ শেষ করার টার্গেট নেওয়া হয়েছে। নিয়োমা এলাকায় এই এয়ারফিল্ড তৈরি করা হবে। সেই সঙ্গেই লাদাখের ডেমচক সেক্টরেও একেবারে উচ্চ অক্ষাংশে রাস্তা তৈরির উদ্যোগ নেওয়া হয়েছে। এটা বিশ্বের উচ্চতম এলাকায় গাড়ি চলাচলকারী রাস্তা হিসাবে গণ্য করা হবে।

মহিলা অফিসাররা এই এয়ারফিল্ড তৈরির তত্ত্বাবধান করবেন। প্রকৃত নিয়ন্ত্রণ রেখার কাছেই এই এয়ারফিল্ড তৈরি করা হবে। মূলত বহিঃশত্রুর আক্রমণ ঠেকাতেই এই বিরাট কর্মসূচি। এজন্য বর্তার রোডস অর্গানাইজেশনের আওতায় টাক ফোর্স তৈরি করা হয়েছে। সেখানে মূল দায়িত্বে রয়েছেন কর্নেল পোনুং ডেমিং। তাঁর সঙ্গে রয়েছেন পাঁচজন মহিলা ইঞ্জিনিয়ার। মূলত বর্তমানে যে এয়ারফিল্ডটি এখানে রয়েছে সেটাকে আরও বেশি করে সম্প্রসারিত ও শক্তপোক্ত করা হবে। এখানে যাতে যুদ্ধবিমান যথাযথভাবে ওঠানামা করতে পারে সেসকারণেই এই উদ্যোগ।

সমুদ্রপৃষ্ঠ থেকে প্রায় ১৩,৩০০ ফুট উচ্চতায় এই এয়ারফিল্ড। প্রকৃত নিয়ন্ত্রণ রেখা থেকে এর দূরত্ব প্রায় ২৩ কিমি। সেই নিয়োমা এয়ারফিল্ডটি এবার আরও উন্নত করা হচ্ছে। সব মিলিয়ে ২১৪ কোটি টাকার প্রজেক্ট। প্রতিরক্ষামন্ত্রী রাজনাথ সিং এই এয়ারফিল্ড সংস্কারের শিলান্যাস করেছিলেন। তবে মোটামুটি আশা করা যাচ্ছে আগামী ২০২৫ সালের সেপ্টেম্বর মাস নাগাদ এই প্রকল্পটি শেষ করা হবে।

মৃত্যুঞ্জয় সরদার
(দ্বিতীয় পর্ব)

হিন্দু ধর্ম ভারতীয় উপমহাদেশের বৃহত্তম তথা একটি দেশীয় ধর্মবিশ্বাস। হিন্দু ধর্মাবলম্বীগণ স্বীয় ধর্মমতকে সনাতন ধর্ম নামেও অভিহিত করেন। হিন্দু ধর্ম বিশ্বের অন্যতম প্রাচীন ধর্ম। তবে হিন্দু নামটি আধুনিকালের দেওয়া। এর প্রাচীন নাম হল সনাতন ধর্ম। আবার এই ধর্ম বৈদিক ধর্ম নামেও পরিচিত। এই ধর্ম বেদ এর উপর ভিত্তি করে গড়ে উঠেছিল। এ ধর্মের মূল কথা হল ঈশ্বরের অস্তিত্বেই সকল কিছুর অস্তিত্ব এবং সকল কিছুর মূলেই স্বয়ং ঈশ্বর। হিন্দু ধর্মের সাধারণ “ধরনগুলির” মধ্যে লৌকিক ও বৈদিক হিন্দুধর্ম থেকে বৈষ্ণব ধর্মের অনুরাগ ভক্তিবাদী ধারার মতো একাধিক জটিল মতবাদগুলির সমন্বয়ের এক প্রচেষ্টা লক্ষিত হয়। যোগ, কর্মযোগ ধারণা, ও হিন্দু বিবাহের মতো বিষয়গুলিও হিন্দুধর্মের সঙ্গে অঙ্গাঙ্গীভাবে জড়িত। তাই সময়ের অগ্রগতির সাথে সাথে পৃথিবীতে বিভিন্ন ধর্ম বিস্তার লাভ করেছে। কাল খণ্ডে অনেক মহাপুরুষ এই পৃথিবীর বুকে তাদের নানান মতবাদ প্রচার করে গেছেন। এদের মধ্যে সবচেয়ে প্রাচীন ধর্ম হচ্ছে এই হিন্দু ধর্ম। হিন্দু ধর্মকে কেও ধর্ম বলে তো কেউ জীবনের পথ। আজ এসম্পর্কেই বিস্তারিত আলোচনা করা হবে। সেই কারণে ভগবান শ্রীকৃষ্ণ বলেছেন মানুষের কর্মই সমাজে তার শ্রেণী নির্বাচন করে। কিন্তু ধীরে ধীরে সময়ের সাথে কিছু অসাধু মানুষ জন্মের ভিত্তিতেই এই শ্রেণী নির্বাচন শুরু করে। একটা সময় ভারতে বৌদ্ধ ধর্ম ও জৈন ধর্মের ব্যাপক বিস্তার ঘটছিল। ঠিক এমন সময়ে অষ্টম শতকে হিন্দু ধর্মের পুনর্জাগরণের কাজ শুরু করে আদি শঙ্করাচার্য। বলা হয় তিনি ভগবান শিবের অবতার। আদি শঙ্করাচার্য ভারত ভ্রমণ করে বিভিন্ন প্রান্তে চারটি গুরুত্বপূর্ণ মঠ তৈরি করেন যেমন দক্ষিণে শ্রীঙ্গের সারদা মঠ, পশ্চিমে দ্বারকায় কালিকা

মঠ, উত্তরে বদ্রীনাথের কাছে যোশীমঠ এবং পূর্বে পুরীতে গোবর্ধন মঠ। একে হিন্দু ধর্মের চার ধাম বলা হয়। এভাবে যুগে যুগে বিভিন্ন মহাত্মা দ্বারা হিন্দু ধর্মের পুনর্জাগরণ চলতেই থাকে, বারো শতক থেকে ১৮ শতক পর্যন্ত। হিন্দু ধর্মে এটা বলা হয়েছে যখনই ধর্ম সংকট উপস্থিত হয়েছে তখনই ঈশ্বর কোনও না কোনও রূপ নিয়ে আবির্ভূত হয়েছেন। যদি বলা হয় হিন্দু ধর্মের উৎপত্তি কবে তাহলে এর কোন সঠিক তথ্য পাওয়া যায় না, এতটাই প্রাচীন এই ধর্ম। ঐতিহাসিকদের মতে আনুমানিক ৯০,০০০ বছরেরও পুরোনো তবে বেদ, উপনিষদ অনুযায়ী হিন্দু ধর্ম কয়েক লক্ষ বছরের পুরোনো, সুতরাং হিন্দু ধর্ম এতটাই প্রাচীন ধর্ম যার আদি খুঁজে পাওয়াই মুশকিল। গোটা বিশ্ব জুড়ে পৃথিবীর তৃতীয় বৃহত্তম ধর্ম হিন্দু ধর্মের অনুসারী সংখ্যা প্রায় ১০০ কোটি যার ৯০ শতাংশই ভারতে বসবাস করে। প্রাচীন হিন্দু ধর্মের মূল ভাষা ছিল সংস্কৃত যাকে দেবতাদের ভাষাও বলা হয়। প্রোটো ইন্দো আরিয়ান এবং প্রোটো ইন্দো ইউরোপীয়ান ভাষার উতপত্তিও সংস্কৃত ভাষা থেকেই বলে মনে করা হয়। ইংরেজি ভাষায় হিন্দু ধর্ম কথাটি প্রথম চালু হয় ঊনবিংশ শতকে।

আচ্ছা সেই থেকে যে এতক্ষণ হিন্দু ধর্ম বলছি আসলে হিন্দু ধর্ম নামকরণ অনেক পরে হয়েছে এই ধর্মের আসল নাম সনাতন ধর্ম। এবার জানা যাক হিন্দু নামের কারণ। উত্তর পশ্চিম ভারতে একটি বিখ্যাত নদী হচ্ছে সিন্ধু। যখন পারস্য জাতির লোকেরা ভারতে প্রবেশ করে তারা এই স উচ্চারণ করতে পারত না, তারা স কে হ বলত। সেই হিসাবে এই নদীকে হিন্দু বলত এবং এখানকার ভূমিকে হিন্দুস্তান বলত এবং এর আশেপাশের মানুষদের হিন্দু বলত। এভাবে ছয় শতকে প্রথম হিন্দু শব্দের উতপত্তি ঘটে পার্সিয়ানদের দ্বারা এবং মোটামুটি ১৩ শতকে ভারতের নাম হিন্দুস্তান হয়ে যায়। প্রথমে হিন্দু বলতে কোন বিশেষ ধর্মের লোকদের বলা হতনা বরং ভারতী ভূমির সকল মানুষকে বোঝানো হত। পরে সপ্তম শতকে সর্বপ্রথম হিন্দুইজমের উল্লেখ পাওয়া

যায় (যদিও একাধিক মতান্তর রয়েছে একাধিক ঐতিহাসিকবিদের মতে) একটি চাইনিজ বই রেকর্ড অফ দি ওয়েস্টার্ন রিজিয়নে অনেকে আবার এটাও বলেন ১৮১৬-১৭ সালে রাজা উল্লেখ করেন। ১৮৩০ সাল থেকেই ব্রিটিশ কলোনিয়াল মধ্যই একদল ভারতী নিজেদের আলাদা প্রমাণ করবার জন্যই হিন্দু বলে নিজেদের পরিচয় দিতে শুরু করে। গৌড়ীয় বৈষ্ণব ধর্ম গ্রন্থ শ্রী চৈতন্য ভাগবত ও চৈতন্য চরনামিত তে হিন্দু ধর্মের উল্লেখ করা হয়েছে, মূলত অন্য ধর্মের মানুষদের থেকে আলাদা বোঝাতেই সনাতন ধর্মের লোকদের হিন্দু বলা হত। এটা তো গেল হিন্দু ও হিন্দুইজমের উতপত্তির কারণ। এবার যেটা প্রধান জিজ্ঞাসা থাকে, হিন্দু ধর্মের উতপত্তি কীভাবে হল? হিন্দু ধর্ম কারও একজনের দ্বারা তৈরি হয়নি। সিন্ধু সভ্যতায় ভগবান শিবের পশুপতি রূপ, পৃথিবী মায়ের মূর্তি, স্বস্তিকা চিহ্ন পাওয়া গেছে সুতরাং তখনই হিন্দু ধর্ম প্রোটো ইন্দো ইউরোপীয়ান ভাষার উতপত্তিও সংস্কৃত ভাষা থেকেই বলে মনে করা হয়। ইংরেজি ভাষায় হিন্দু ধর্ম কথাটি প্রথম চালু হয় ঊনবিংশ শতকে।

আচ্ছা সেই থেকে যে এতক্ষণ হিন্দু ধর্ম বলছি আসলে হিন্দু ধর্ম নামকরণ অনেক পরে হয়েছে এই ধর্মের আসল নাম সনাতন ধর্ম। এবার জানা যাক হিন্দু নামের কারণ। উত্তর পশ্চিম ভারতে একটি বিখ্যাত নদী হচ্ছে সিন্ধু। যখন পারস্য জাতির লোকেরা ভারতে প্রবেশ করে তারা এই স উচ্চারণ করতে পারত না, তারা স কে হ বলত। সেই হিসাবে এই নদীকে হিন্দু বলত এবং এখানকার ভূমিকে হিন্দুস্তান বলত এবং এর আশেপাশের মানুষদের হিন্দু বলত। এভাবে ছয় শতকে প্রথম হিন্দু শব্দের উতপত্তি ঘটে পার্সিয়ানদের দ্বারা এবং মোটামুটি ১৩ শতকে ভারতের নাম হিন্দুস্তান হয়ে যায়। প্রথমে হিন্দু বলতে কোন বিশেষ ধর্মের লোকদের বলা হতনা বরং ভারতী ভূমির সকল মানুষকে বোঝানো হত। পরে সপ্তম শতকে সর্বপ্রথম হিন্দুইজমের উল্লেখ পাওয়া

ফল ভোগের জন্য তাকে নতুন শরীর ধারণ করতে হয়, এখান থেকেই পুনর্জন্মের কথা এসেছে অর্থাৎ আত্মা শরীর ছেড়ে দেওয়ার পর আবারও নতুন শরীর ধারণ করে এভাবে চক্রাকারে চলতেই থাকে। এভাবে কোনও এক জন্মে কর্ম বন্ধন ছিন্ন হয়ে গিয়ে আত্মা পরমাট্মায় মিশে যায় একেই মুক্তি বলা হয়েছে। হিন্দু ধর্মের সবচেয়ে প্রাচীন গ্রন্থ বেদ অনুযায়ী ঈশ্বর নিরাকার, যার কোনও আকার নেই কিন্তু ঈশ্বর বা পরম শক্তি যাকে নিরাকার ব্রহ্মা বলা হয়, মানুষের কল্যাণে বিভিন্ন যুগে বিভিন্ন রূপে আসেন পৃথিবীতে। হিন্দু ধর্মে প্রধানত তিনজন প্রধান ভগবানের কথা বলা হয়েছে, ব্রহ্মা সৃষ্টিকর্তা, বিষ্ণু পালন কর্তা এবং মহাদেব ধ্বংস কর্তা। হিন্দু ধর্মে নারীদের দেবী রূপে পূজা করা হয় প্রাচীন কাল থেকেই। যেমন দেবী দুর্গা, কালী, লক্ষ্মী, সরস্বতী। শুধু তাই নয় হিন্দু ধর্মে প্রকৃতি ও জীবকেও পূজা করা হয় কারণ বিশ্বাস করা হয় সমস্ত জীবের মধ্যেই ঈশ্বর আছেন। হিন্দু ধর্মে কোন নিদিষ্ট ধর্মগ্রন্থ নেই। আসলে এই ধর্ম এতটাই প্রাচীন যে বিশ্বাস করা হয় বেদই হিন্দুদের প্রাচীন ধর্ম গ্রন্থ যা দেবতার মানুষদের দিয়েছিল। বেদের চারটি ভাগ ঋগ্বেদ, যজুর্বেদ, সামবেদ ও অথর্ববেদ। এই প্রতিটি বেদ আবার চার ভাগে বিভক্ত সংহিতা, ব্রাহ্মণ, আরণ্যক ও উপনিষদ। এছাড়া রামায়ন, মহাভারত, ভগবত গীতা ও পুরান কে হিন্দু ধর্মের প্রধান গ্রন্থ হিসাবে মানা হয়। হিন্দু ধর্মে তিনটি প্রধান ভাগ আছে। বৈষ্ণব যারা ভগবান বিষ্ণু ও তার তার দশ অবতারের পূজা করে, শৈব যারা শিবের উপাসনা কর, শাক্ত যারা দেবী শক্তি বা মাকালীর উপাসনা করে। কিন্তু হিন্দু ধর্মের এই সমস্ত ভাগের মানুষদের মধ্যে কোন ঝামেলা নেই কারণ সহ্যশক্তি হচ্ছে হিন্দু ধর্মের প্রধান ভিত্তি। এতো গেল হিন্দু ধর্মের উতপত্তি এবং ধর্মীয় বিশ্বাসের কথা এবার জানা যাক হিন্দু ধর্মের সামাজিক জীবন সম্পর্কে। ঋগ্বেদের পুরুষোক্ত থেকে জানা যায় সমাজের

ফল ভোগের জন্য তাকে নতুন শরীর ধারণ করতে হয়, এখান থেকেই পুনর্জন্মের কথা এসেছে অর্থাৎ আত্মা শরীর ছেড়ে দেওয়ার পর আবারও নতুন শরীর ধারণ করে এভাবে চক্রাকারে চলতেই থাকে। এভাবে কোনও এক জন্মে কর্ম বন্ধন ছিন্ন হয়ে গিয়ে আত্মা পরমাট্মায় মিশে যায় একেই মুক্তি বলা হয়েছে। হিন্দু ধর্মের সবচেয়ে প্রাচীন গ্রন্থ বেদ অনুযায়ী ঈশ্বর নিরাকার, যার কোনও আকার নেই কিন্তু ঈশ্বর বা পরম শক্তি যাকে নিরাকার ব্রহ্মা বলা হয়, মানুষের কল্যাণে বিভিন্ন যুগে বিভিন্ন রূপে আসেন পৃথিবীতে। হিন্দু ধর্মে প্রধানত তিনজন প্রধান ভগবানের কথা বলা হয়েছে, ব্রহ্মা সৃষ্টিকর্তা, বিষ্ণু পালন কর্তা এবং মহাদেব ধ্বংস কর্তা। হিন্দু ধর্মে নারীদের দেবী রূপে পূজা করা হয় প্রাচীন কাল থেকেই। যেমন দেবী দুর্গা, কালী, লক্ষ্মী, সরস্বতী। শুধু তাই নয় হিন্দু ধর্মে প্রকৃতি ও জীবকেও পূজা করা হয় কারণ বিশ্বাস করা হয় সমস্ত জীবের মধ্যেই ঈশ্বর আছেন। হিন্দু ধর্মে কোন নিদিষ্ট ধর্মগ্রন্থ নেই। আসলে এই ধর্ম এতটাই প্রাচীন যে বিশ্বাস করা হয় বেদই হিন্দুদের প্রাচীন ধর্ম গ্রন্থ যা দেবতার মানুষদের দিয়েছিল। বেদের চারটি ভাগ ঋগ্বেদ, যজুর্বেদ, সামবেদ ও অথর্ববেদ। এই প্রতিটি বেদ আবার চার ভাগে বিভক্ত সংহিতা, ব্রাহ্মণ, আরণ্যক ও উপনিষদ। এছাড়া রামায়ন, মহাভারত, ভগবত গীতা ও পুরান কে হিন্দু ধর্মের প্রধান গ্রন্থ হিসাবে মানা হয়। হিন্দু ধর্মে তিনটি প্রধান ভাগ আছে। বৈষ্ণব যারা ভগবান বিষ্ণু ও তার তার দশ অবতারের পূজা করে, শৈব যারা শিবের উপাসনা কর, শাক্ত যারা দেবী শক্তি বা মাকালীর উপাসনা করে। কিন্তু হিন্দু ধর্মের এই সমস্ত ভাগের মানুষদের মধ্যে কোন ঝামেলা নেই কারণ সহ্যশক্তি হচ্ছে হিন্দু ধর্মের প্রধান ভিত্তি। এতো গেল হিন্দু ধর্মের উতপত্তি এবং ধর্মীয় বিশ্বাসের কথা এবার জানা যাক হিন্দু ধর্মের সামাজিক জীবন সম্পর্কে। ঋগ্বেদের পুরুষোক্ত থেকে জানা যায় সমাজের

হস্টেলের চারতলা থেকে কীভাবে পড়ে যায় রীতি?

মমতার নির্দেশে তদন্ত করতে অন্ধ্রে গেল বাংলার পুলিশ

স্টাফ রিপোর্টার, নিউজ হাওয়ায় হয়েছে আমার মেয়েকে। জিজ্ঞাসাবাদ করেন তদন্তকারী সারাদিন : ডাক্তারি পরীক্ষার হস্টেলের ঘরে মদের বোতল প্রস্তুতি নিতে অন্ধ্রপ্রদেশ পাওয়া গিয়েছিল, সেই গিয়েছিল টালিগঞ্জের মেয়ে অভিযোগ জানিয়েছিল আমার রীতি সাহা। কিন্তু স্বপ্নপূরণের মেয়ে। আক্রোশ থেকেই খুন আগেই তার স্বপ্ন শেষ হয়ে যায় করা হয়েছে। এবার সেই হস্টেলের ছাদ থেকে পড়ে ঘটনার তদন্তেই বাংলা থেকে হস্টেল অন্ধ্রের কর্তৃপক্ষ পুলিশ গেল দক্ষিণ ভারতের আত্মহত্যার কথা বললেও, তা ওই রাজ্যে। একদল এবার বাংলা থেকে একদল বাবা-মা। ঘটনার তদন্তে পূর্ণ পুলিশ আধিকারিক গেলেন সহযোগিতা করা হবে, এমন অন্ধ্রে। জানা গেছে, বাংলার পুলিশ মমতা বন্দ্যোপাধ্যায়। হস্টেল বিশাখাপত্তনমের সেই হস্টেলে কর্তৃপক্ষের দাবি, রীতি পৌঁছে গেছে। সেখানে গিয়ে আত্মহত্যা করছে। কিন্তু সেই তদন্ত শুরু করে তারা। ঘটনার দাবি মানতে চাইছে না তার পুনর্নির্মাণ করা হয়। চারতলা পরিবার। মৃত্যুর বাবা জানান, থেকে ম্যানিকুইন ঠেলে নীচে আমার মেয়ে কেন আত্মহত্যা ফেলে দেখা হয়। সেইসঙ্গে করবে। চক্রান্ত করে খুন করা থানা, হাসপাতাল সর্বত্র ঘুরে

পৃথিবীর সৃষ্টির মূলে দেবাদিদেব মহাদেব



:- মৃত্যুঞ্জয় সরদার :-

সেই কারণে কাশ্মীরে লেখা হয় শিবসূত্র। দক্ষিণে রাবণ ছিলেন শিবের উপাসক। বিষ্ণুভক্ত আড়বারদের মত শৈব নায়নার গৌষ্ঠী শিবভক্তিতে বাংলার বৈষ্ণব ধর্মের মত উচ্চনীচ ভেদাভেদ ঘুচিয়ে দেয়। তামিল ভাষায় রচিত হয় ভক্তিবাদী দেবারম্ স্তোত্র। লিঙ্গায়ৎ সম্প্রদায় হয় শৈব দর্শন অনুসরণকারী।

ক্রমশঃ

সত্যকীরণ

এই পত্রিকায় প্রকাশিত সমস্ত বিজ্ঞাপনের দায় বিজ্ঞাপনদাতার পাঠকদের যথাযথ অনুসন্ধানের পর আত্মা স্থাপনের অনুরোধ জানাই। বিজ্ঞাপনদাতার ওপর বিশ্বাস রেখে বিজ্ঞাপন ছাপানো হয়। এই ব্যাপারে পত্রিকা কোনো রকম দায়িত্ব নেবে না।

ক্রমশঃ

(লেখকের অভিমতের জন্য লেখক দায়বদ্ধ)

সিনেমার খবর



খরা কাটছে অনন্যার



স্টাফ রিপোর্টার : নিউজ সারাদিন : বছর চারেক হলো অভিনেত্রীর। বলা চলে এখনো পোক্ত হয়ে দাঁড়ানোর চেষ্টা চালিয়ে যাচ্ছেন। কারণ তার অভিনীত সিনেমাগুলো সেভাবে সাফল্যের মাত্রা ছুঁতে পারেনি। তবে সম্প্রতি মুক্তি পাওয়া 'ড্রিম গার্ল ২' দিয়ে খরাটা কাটতে চলেছে। ছবিটি বক্স অফিসে দারুণ ব্যবসা করেছে। বলা হচ্ছে, বলিউডের তরুণ অভিনেত্রী অনন্যা পাণ্ডের কথা।

গেল বছরটা তার জন্য ছিল ব্যর্থতার। বহুল আলোচিত, মোটা বাজেটের ছবি 'লাইগার' মুখ খুবড়ে পড়েছিল বক্স অফিসে। দর্শক-সমালোচকের তীব্র সমালোচনাও সহ্য করতে হয়েছিল। কিন্তু এই ব্যর্থতা কীভাবে সামলে নিয়েছেন অনন্যা? এমনই প্রশ্ন করা হয়েছিল সাক্ষাৎকারে।

জবাবে চাক্কি-কন্যা বলেছেন, 'আমার মনে হয় এগিয়ে যাওয়ার ক্ষেত্রে ভালো-মন্দ

সবই গ্রহণ করা উচিত। প্রতিটি অভিজ্ঞতা থেকেই শেখার আছে। এটা আসলে আপনাকে বুঝতে সহযোগিতা করে কোথায় ভুলটা হয়েছে, আর কীভাবে তাতে উন্নতি করা যায়। মুখ ভার করে বসে থাকায় বিশ্বাস করি না আমি। বরং আমি এগিয়ে যাই।'

ব্যর্থতার অধ্যায় পেরিয়ে চলতি বছরে সম্ভাবনার আলো দেখছেন অনন্যা। ২৫ আগস্ট মুক্তি পাওয়া 'ড্রিম গার্ল ২' তার স্বপ্নকে প্রসারিত করেছে। মুক্তির প্রথম চার দিনেই ছবিটির বক্স অফিস কালেকশন ছাড়িয়ে গেছে ৪৬ কোটি রুপি। 'গাদার ২', 'ওএমজি ২'র মতো ছবির দাপটের মধ্যেও এমন ব্যবসা চমকপ্রদ মনে করছেন বিশেষজ্ঞরা।

২০১৯ সালের 'ড্রিম গার্ল' সিনেমার সিক্যুয়েল এটি। রাজ সান্দিল্য নির্মিত ছবিটির মুখ্য ভূমিকায় আছেন আয়ুত্মান খুরানা। এ ছাড়াও অভিনয় করেছেন পরেশ রাওয়াল, অনু কাপুর, বিজয় রাজ, রাজপাল যাদব, মনোজ যোশী প্রমুখ। এদিকে অনন্যার হাতে বর্তমানে 'খো গায়ে হাম' ও 'কন্ট্রোল' নামের দুটি সিনেমা রয়েছে। শুটিং শেষে এগুলোর পোস্ট প্রোডাকশন চলছে।

'পাঠান'-'বাহুবলী'র রেকর্ড ভাঙল 'গাদার ২'?



নিজস্ব সংবাদদাতা : ৪৫০ কোটি টাকার নিউজ সারাদিন : ব্যবসা করেছে। এর অর্থনৈতিক সঙ্কটে আগে এত কম সময়ে ভুগছেন বলিউড অভিনেতা সানি দেওল। তার বাড়িও নাকি নিলামে ওঠার কথা ছিল। 'পাঠান' ও রাজমৌলি পরিচালিত 'বাহুবলী'-র যদিও এক মাস বাড়তি সময় দিয়েছে ব্যাঙ্ক। কিন্তু সেই নজির ভেঙে ব্যক্তি জীবনে ঝড় বয়ে গেলেও বক্স অফিসে কিন্তু তার সিনেমা 'গাদার ২' ক্রমশ এগিয়ে বাজিমাত করেছে। লাভের অঙ্ক রোজ বেড়েই চলেছে। 'গাদার ২' যেন বক্স অফিসে দমকা হাওয়ার মতো।

রবিবারে ফের নয়া নজির। সব থেকে দ্রুত ৪৫০ কোটি টাকা আয় করেছে সানির 'গাদার ২'। এর আগে 'পাঠান' ১৮ দিনে এই অঙ্ক ছুঁয়েছিল। অন্য দিকে, 'বাহুবলী' ২০ দিনের মাথায় ৪৫০ কোটির মুখ দেখে। এ দিক থেকে সানির ছবি খানিকটা এগিয়ে রয়েছে। এ বার ছবির নির্মাতাদের চোখ ৫০০ কোটির দিকে। যদিও পরিচালক নিশ্চিত, 'পাঠান'-এর নজির ভাঙবে তাঁর 'গাদার ২'।

যেভাবে জাহ্নবীকে ইঙ্গিত করে তির্যক মন্তব্য করলেন সারা



নিজস্ব সংবাদদাতা : নিউজ সারাদিন : সারা আলি খান ও জাহ্নবী কাপুর। বলিউডের নতুন প্রজন্মের অন্যতম জনপ্রিয় দুই নায়িকা তারা। অভিনেত্রী হিসেবে রূপালি পর্দায় পা রেখেছেন মোটামুটি একই সময়ে। জনপ্রিয়তার নিরিখেও কেউই কারও থেকে কম যান না। তবে বলিউডে সাফল্য অর্জন করার ক্ষেত্রে একে অপরের সঙ্গে রেযারেমির রাস্তায় হাঁটতে চান না তারা। কেন? কারণ, তারা নাকি একে অপরের খুব ভাল

বন্ধু! তারা দু'জনই বলিউডের দুই তাবড় পরিবারের সন্তান। রূপালি পর্দায় পা রেখে নিজেদের পরিচিতিও তৈরি করেছেন ইতোমধ্যেই। তবে বলিপাড়ার ভাল বন্ধু হিসেবে তাদের যে পরিচিতি, তা কি আদৌ সত্যি? সম্প্রতি সামাজিক যোগাযোগমাধ্যমের পাতায় একটি ছবি পোস্ট করে নিজের অনুরাগীদের উদ্দেশ্যে সারা লেখেন, "আরও বই পড়ুন।"

ছবিতে বইয়ের তালিকায় রয়েছে 'দ্য পাওয়ার অব ইয়োর সাবকনশাস মাইন্ড', 'ইন্ডিয়া সিন্স ইনডিপেনডেন্স'-এর মতো বই। তবে যে বই নজর কেড়েছে নেটগরিকদের, সেটা হল

'আউশভিজ্জ: আ হিস্টরি'। তবে কি 'বাওয়াল' বিতর্কের পর নাম না করেও জাহ্নবীকেই নিশানা করছেন সারা? ওই বই দেখেই জল্পনা তৈরি হয়েছে নেটগরিকদের মধ্যে।

মুক্তির আগে ও পরে একাধিক বিতর্কে জড়িয়েছে নীতেশ তিওয়ারি পরিচালিত 'বাওয়াল' ছবিটি। বরুণ ধাওয়ান ও জাহ্নবী কাপুর অভিনীত এই ছবিতে দ্বিতীয় বিশ্বযুদ্ধের সময় ঘটে যাওয়া হলোকস্টের সঙ্গে এক যুগলের সম্পর্কের টানা পড়নের তুলনা টেনেছেন পরিচালক। হলোকস্টের মতো নির্মম এক ঐতিহাসিক অধ্যায়কে বলিউডি রোম্যান্টিকতার ছাঁচে ফেলাটা কতটা যুক্তিযুক্ত, তা নিয়ে আগেই তৈরি হয়েছিল জল্পনা। ওটিটি প্ল্যাটফর্মের ছবি মুক্তি পাওয়ার পরে তা নিয়ে আলোচনা আরও বেড়েছে। এমনকি, ছবির বিরুদ্ধে কঠোর পদক্ষেপ নেওয়ার আহ্বানও জানিয়েছে ইহুদি মানবাধিকার সংস্থা সাইমন ওয়াইসেনথল সেন্টারও। ছবির হয়ে কথা বলতে গিয়ে সমালোচিত হয়েছে বরুণ ও জাহ্নবী দু'জনেই। কারণ নাম উল্লেখ না করলেও এবার কি জাহ্নবীকে উদ্দেশ্য করেই তির্যক মন্তব্য করলেন 'বন্ধু' সারা? অভিনেত্রীর সাম্প্রতিক পোস্ট উক্ষে দিল সেই জল্পনাই।

ঝড় তুললো 'জওয়ানের' নতুন গান



স্টাফ রিপোর্টার, নিউজ সারাদিন : বলিউড বাদশাহ শাহরুখ খানের নতুন সিনেমা 'জওয়ান'র আরও একটি গান প্রকাশ পেল। ছবি মুক্তির সপ্তাহ খানেক আগেই প্রকাশ্যে এলো সিনেমাটির তৃতীয় গান 'নট রামাইয়া বাস্তবাইয়া'। ২৯ আগস্ট দুপুর ২টা নাগাদ গানটি টি-সিরিজের ইউটিউব চ্যানেলে হিন্দি, তামিল ও তেলুগু ভাষায় মুক্তি পেয়েছে। 'জওয়ান' নিয়ে

ভক্তদের আর্থ হের পরিমাণটা খুব বেশি। তাই এই সিনেমার নতুন আরও একটি গান প্রকাশ্যে আসতেই ভক্তরাও ভালোবাসায় ভরিয়ে দিচ্ছেন। ২ মিনিট ৫১ সেকেন্ডের 'নট রামাইয়া বাস্তবাইয়া' গানটিতে শাহরুখকে দেখা গেছে নয়নতারার সঙ্গে সমান তালে নাচতে। এই গানের সংগীত পরিচালনা অনিরুদ্ধ রবিচন্দ্র। গানটি গেয়েছেন অনিরুদ্ধ রবিচন্দ্র, বিশাল দাদলানি ও শিল্পা রাও। এছাড়াও কোরিওগ্রাফির দায়িত্বে ছিলেন বৈভবী মার্চেন্ট। অ্যাটলি পরিচালিত প্যান-ইন্ডিয়ান ছবি 'জওয়ান' মুক্তি পাবে ৭ সেপ্টেম্বর। ছবিতে শাহরুখ ছাড়াও আরও রয়েছেন নয়নতারা, সানিয়া মালহোত্রা, বিজয় সেতু পতি, প্রিয়মণি এবং স্বর্ধি ডোগরা। ছবিতে দীপিকা পাডুকোনের উপস্থিতিও থাকবে।





ভারত-পাকিস্তান দ্বৈরথ:

প্রত্যাশার চাপ সরিয়ে

বিশ্বকাপে ভালো করতে চান রোহিত



স্টাফ রিপোর্টার : নিউজ সারাদিন : সবশেষ বিশ্বকাপ ব্যাট হাতে কী দুর্দান্তই না কেটেছিল রোহিত শর্মার। উপহার দিয়েছিলেন দারুণ সব ইনিংস। হয়েছে ছিলেন টুর্নামেন্টের সর্বোচ্চ রান সংগ্রাহক। এবার দায়িত্ব আরেকটু বেশি, স্বাগতিক ভারতের অধিনায়ক তিনি। তবে তুমুল চাপ সরিয়ে রেখে বিক্ষোভ এই ওপেনারের আশা, চার বছর আগে ইংল্যান্ড আসরের অসাধারণ সেই পারফরম্যান্সের পুনরাবৃত্তি নিয়ে।

সাক্ষাৎকারে ভারত অধিনায়ক বলেন, তার মনোযোগ নিজেদের আলিয়ে নেওয়ার দিকেই। তিনি বলেন, কীভাবে আমি নিজেকে শান্ত রাখছি, সেটাই গুরুত্বপূর্ণ। বাইরের এমন কিছু নিয়ে মাথা ঘামাতে চাই না, যা ইতিবাচক বা নেতিবাচকভাবে আমার মধ্যে প্রভাব ফেলবে। ওই সবকিছু এড়িয়ে থাকতে চাই। ২০১৯ বিশ্বকাপের আগে যে রকম মানসিকতায় ছিলাম, সেই পর্যায়ে ফিরে যেতে চাই। আমি তখন দারুণ মানসিক অবস্থায় ছিলাম এবং টুর্নামেন্টের জন্য সত্যিই ভালোভাবে প্রস্তুত ছিলাম। আমি ভালো অবস্থায়, ভালো মানসিকতায় ছিলাম। আমি তা ফিরিয়ে আনতে চাই এবং আমার কাছে এটি করার জন্য সময় আছে। একজন ক্রিকেটার ও একজন ব্যক্তি হিসেবে ২০১৯ বিশ্বকাপের আগে আমি কী কী সঠিক কাজ করেছিলাম, তা মনে করার চেষ্টা করছি। সেই একইভাবে সব ভাবতে চাই।

নিজেই নিয়ে ভাবার পাশাপাশি দল নিয়েও ভাবতে হবে রোহিতকে। বিশ্ব মঞ্চে যে ভারতের সাফল্য নেই এক দশক ধরে। ২০১৩ সালে চ্যাম্পিয়ন ট্রফি জয়ের পর গত ১০ বছরে আর কোনো আইসিসি ট্রফি জিতে পারেনি ভারত। ওয়ানডেতে নিজেদের দুটি বিশ্বকাপ ট্রফির সবশেষটি তারা জিতেছিল ২০১১ সালে ঘরের মাঠে। পরের দুই আসরে তারা বিদায় নেয় সেমি-ফাইনাল থেকে। এবার ভারতীয় সমর্থকদের আশা একটু বেশিই। একে দেশের অধিনায়ক হিসেবে রোহিতের সাফল্য। আইপিএল ইতিহাসের সফলতম অধিনায়ক তিনি। তার নেতৃত্বে পাঁচবার চ্যাম্পিয়ন হয়েছে মুম্বাই ইন্ডিয়ান।

তবে ভারতের অধিনায়ক হিসেবে ২০১৮ এশিয়া কাপ জয় ছাড়া আর কোনো সাফল্য তার নেই। জাতীয় দলের অধিনায়ক হিসেবে কী ছাপ রেখে যেতে চান রোহিত? তিনি বলেন, এ নিয়ে ভাবার মানুষ আমি নই। মানুষই সেটার বিচার করবে, আমার বলার বিষয় নয় এটি। আমি সংখ্যায় বিশ্বাস করি না। সামনের সময়টা উপভোগ করা উচিত এবং অতীত বা ভবিষ্যৎ নিয়ে না ভেবে বর্তমানে বাঁচার চেষ্টা করা উচিত।

ভাগ্য দোষে বড় শিরোপা জিততে পারছে না ভারত, মনে করেন গাভাস্কার

মনে করেন গাভাস্কার



স্টাফ রিপোর্টার : নিউজ সারাদিন : অনেকদিন ধরেই আইসিসির উল্লেখযোগ্য কোনো শিরোপা জিততে পারেনি ভারত। এই ব্যর্থতার দায়েই বিরাট কোহলিকে সরিয়ে রোহিত শর্মাকে অধিনায়ক করা হয়েছে। রোহিতের অধীনে গত টি-টোয়েন্টি বিশ্বকাপেও সুবিধা করতে পারেনি ভারত। ভালো দল নিয়ে কেনো ভালো ফল করতে পারছে না ভারত, আসন্ন বিশ্বকাপ সামনে রেখেই ফের জোরালো হচ্ছে সেই প্রশ্নটা।

ভারতের কিংবদন্তি ওপেনার সুনীল গাভাস্কার মনে করেন ভাগ্যের কাছেই মার খাচ্ছে ভারত। ভাগ্যই ভারতকে বড় শিরোপা জিততে দিচ্ছে না। সুনীল গাভাস্কার বলেছেন, আমাদের অনেক মেধা আছে, তবে নকআউট পর্বে নির্দিষ্ট দিনে আপনাদের ভাগ্য দরকার। নকআউট পর্বে যেসব ম্যাচে আমরা হেরেছি, তাকালে দেখবেন, বরাবরই ভাগ্য খারাপ ছিল। গত বিশ্বকাপের বৃষ্টিবিঘ্নত সেমিফাইনালের

প্রসঙ্গ টেনে কিংবদন্তি এই ব্যাটসম্যান বলেন, ২০১৯ সালে আমাদের এমন একটি ম্যাচ দ্বিতীয় দিনে গড়িয়েছিল। চারটি বিশ্বকাপে খেলা গাভাস্কার, এমএসডির (২০১১ সালে মহেন্দ্র সিং ধোনির বিশ্বকাপ জয়ী) দলের দিকে তাকালে দেখবেন- সুরেশ রায়না, যুবরাজ সিং, শচীন টেঙ্করকার, বীরেন্দ্র শেবাগরা বোলিং করতে পারত। এটা বাড়তি পাওয়া ছিল। ফলে যে দলের অলরাউন্ডার আছে, তারা এগিয়ে থাকবে।

যা বললেন ওয়াসিম আকরাম



স্টাফ রিপোর্টার : নিউজ সারাদিন : গত এশিয়া কাপের ফাইনালেও যেতে পারেনি ভারত। পাকিস্তান ও শ্রীলঙ্কা খেলেছিল ফাইনাল। শেষ পর্যন্ত দুর্দান্ত খেলে শিরোপা নিজেদের করে নেয় শ্রীলঙ্কা। সেই আসরে গ্রুপ পর্বে ভারতের কাছে হারে পাকিস্তান। অন্যদিকে সুপার ফোরে ভারতকে হারায় পাকিস্তান। সবমিলিয়ে ভারত-পাকিস্তান ফাইনালের স্পটটাও পূরণ হয়নি। এ নিয়েই কথা বলেছেন পাকিস্তানের সাবেক ক্রিকেটার ওয়াসিম আকরাম। আকরাম বলেছেন, গত আসরে ভবিষ্যত বাণী করেছিলাম ভারত বনাম পাকিস্তান ফাইনাল হবে।

তবে শ্রীলঙ্কা ফাইনালে যায়। তিনটি দলই ছিল ভয়ংকর। তারা তিন দলই কাপ জিততে পারত। বাকি দলগুলোও ভালো খেলেছিল। তবে শেষ পর্যন্ত শ্রীলঙ্কাই শিরোপাই জেতে। এমনকি ভারত ফাইনালেও যেতে পারেনি। আকরাম দুই দেশ রাজনৈতিক বৈরিতার প্রভাব খেলায় পড়ার বিষয়েও বলেন, 'আমি সব সময় রাজনীতি ও খেলাকে আলাদা রাখতে চাই। মানুষে মানুষে যোগাযোগ খুব গুরুত্বপূর্ণ। অধিকাংশ পাকিস্তানি ও ভারতীয়রাই পরস্পরকে খুব শ্রদ্ধা করে।'

পাকিস্তানের বিপক্ষে লোকেশ রাহুলকে পাচ্ছে না ভারত



স্টাফ রিপোর্টার : নিউজ সারাদিন : এশিয়া কাপে পাকিস্তানের বিপক্ষে ম্যাচের আগে আরো একটা দুঃসংবাদ পেল রোহিত শর্মার ভারত। ভারতীয় গণমাধ্যমের খবর বলছে, পাকিস্তানের বিরুদ্ধে পাওয়া যাচ্ছে না লোকেশ রাহুলকে। ভারতীয় এই ব্যাটার সুস্থ হলেও এখনও খেলার মতো জায়গায় নেই বলে জানানেন কোচ রাহুল দ্রাবিড়। দ্রুত সুস্থ হয়ে উঠছেন লোকেশ রাহুল। আপাতত জাতীয় ক্রিকেট অ্যাকাডেমিতেই থাকবেন তিনি। এশিয়া কাপের গ্রুপ পর্বের পর সুস্থ হলে তবেই এশিয়া কাপের দলে যোগ দেবেন। আইপিএল খেলার সময় চোট পেয়েছিলেন রাহুল। সেই চোট সারিয়ে জাতীয় ক্রিকেট অ্যাকাডেমিতে ব্যাটও করেছিলেন তিনি। কিন্তু পরে আবার চোট লাগে তার। সেই

চোট সারিয়ে এখনই মাঠে ফিরতে পারছেন না রাহুল। আজ মঙ্গলবার কোচ রাহুল দ্রাবিড় সাংবাদিক সম্মেলনে বলেন, 'অনেকেই জানতে চাইবেন যে রাহুল খেলতে পারবেন কি না, তাই আগেই বলে দিই। রাহুল আপাতত এশিয়া কাপ খেলতে যাচ্ছে না। প্রথম দুটো ম্যাচ খেলতে পারবে না ও। জাতীয় ক্রিকেট অ্যাকাডেমিতেই থাকবে। সুপার ফোরের ম্যাচের আগে দেখা হবে ও সুস্থ কি না। সেই অনুযায়ী দলে নেওয়া হবে ওকে।' এশিয়া কাপের দল ঘোষণার সময়ই বলা হয়েছিল যে, রাহুল সুস্থ হলে তবেই এশিয়া কাপ খেলতে যাবেন। ভারতীয় দলের কোচ মঙ্গলবার জানিয়ে দিলেন যে, রাহুল দ্রুত সুস্থ হয়ে উঠছেন, কিন্তু এখনই ম্যাচ খেলার মতো জায়গায় তিনি নেই।

৯ মাস পর বায়ার্নের অনুশীলনে নয়ার



স্টাফ রিপোর্টার, নিউজ সারাদিন : বায়ার্ন মিউনিখের হয়ে মাঠে ফেরার পথে বড় এক ধাপ এগিয়ে গেছেন মনুয়েল নয়ার। প্রায় ৯ মাস পর অনুশীলনে ফিরেছেন অভিজ্ঞ জার্মান গোলরক্ষক। ৩৭ বছর বয়সী এই ফুটবলারের অনুশীলনে ফেরার কথা বিবৃতি দিয়ে জানিয়েছে বুন্ডেসলিগা চ্যাম্পিয়নরা। তবে কবে তিনি ম্যাচ খেলার জন্য প্রস্তুত হবেন, সে ব্যাপারে কিছু বলেনি ক্লাব।

নয়ার সবশেষ ম্যাচ খেলেছেন গত বছরের ১ ডিসেম্বর, বিশ্বকাপে জার্মানির হয়ে। কাতার বিশ্বকাপের গ্রুপ পর্ব থেকেই বিদায় নেয় জার্মানরা। এরপর ছুটি কাটানোর সময় স্কিইং করতে গিয়ে নয়ারের পা ভেঙে যায়, করতে হয় অস্ত্রোপচার। নয়ারের বিকল্প হিসেবে চলতি বছরের শুরুতে বরুশিয়া মনশেনগ্লাডবাখ থেকে সুইজারল্যান্ডের গোলরক্ষক ইয়ান সমেরকে আড়াই বছরের চুক্তিতে দলে টানে বায়ার্ন। তবে এই মাসের শুরুতে ইন্টার মিলানে যোগ দেন সমের। গত শুক্রবার মাকারি তেল আবিব থেকে ইসরায়েলের পেরেসকে দলে ভেড়ায় বায়ার্ন। এই মৌসুমে প্রথম তিন ম্যাচে বায়ার্নের গোলপোস্টের নিচে ছিলেন নয়ারের দীর্ঘদিনের ব্যাকআপ গোলরক্ষক সডেন উলরিখ। নিজেদের পরবর্তী ম্যাচে আগামী শনিবার বুন্ডেসলিগায় বরুশিয়া মনশেনগ্লাডবাখের মুখোমুখি হবে টমাস টুখেলের দল।

ম্যাক্সওয়েলের ইনজুরিতে কপাল খুললো ওয়েডের



স্টাফ রিপোর্টার, নিউজ সারাদিন : দক্ষিণ আফ্রিকার বিপক্ষে লড়াই শুরুর প্রস্তুতি পর্বে বিপদ ডেকে আনলেন গ্লেন ম্যাক্সওয়েল। শুরুতে দলে অনুশীলনের সময় চোট পেয়ে পুরো সফরই শেষ হয়ে গেল অস্ট্রেলিয়ার এই বিক্ষোভক ব্যাটসম্যানের। দক্ষিণ আফ্রিকায় সাদা বলের দুই সংস্করণের সিরিজ খেলবে অস্ট্রেলিয়া। পিতৃভূকালীন ছুটির জন্য ওয়ানডে সিরিজে খেলবেন না ম্যাক্সওয়েল, আগেই বলা হয়েছিল। টি-টোয়েন্টি সিরিজ খেলে দেশে ফিরে যাওয়ার কথা ছিল তার। কিন্তু সেটাও খেলতে পারছেন না তিনি চোটের খাবায়। ডারবানে দলের সঙ্গে প্রথম ট্রেনিং সেশনেই বাঁ পায়ের অ্যাঙ্কেলে চোট পান ম্যাক্সওয়েল। খুব বেশি গুরুতর না হলেও আসছে ওয়ানডে বিশ্বকাপের আগে তাকে নিয়ে ঝুঁকি নিতে চাচ্ছে না অস্ট্রেলিয়া। আগামী ৫ অক্টোবরে ভারতে পর্দা উঠবে ওয়ানডে ট্রয়োদশ বৈশ্বিক আসরের। এর আগে সেখানে তিন ম্যাচের একটি ওয়ানডে সিরিজ খেলবে অস্ট্রেলিয়া। সেখানে ম্যাক্সওয়েলকে পরের ম্যাচগুলো যথাক্রমে ৯, ১২, ১৫ ও ১৭ সেপ্টেম্বর।

১২৮ ওয়ানডে ও ৯৮ টি-টোয়েন্টি খেলা ম্যাক্সওয়েলের বদলি হিসেবে ম্যাক্সওয়েলকে টি-টোয়েন্টি দলে ডেকেছে অস্ট্রেলিয়া। শুরুতে দলে সুযোগ না পাওয়া এই কিপার-ব্যাটসম্যান এতদিন দা হাড্ডে খেলেছিলেন লন্ডন স্পিরিটের হয়ে। অস্ট্রেলিয়ার হয়ে ৭৫ টি-টোয়েন্টি খেলেছেন ওয়েড। ২০২১ সালে দলটির প্রথম টি-টোয়েন্টি বিশ্বকাপ জয়ে বড় অবদান রেখেছিলেন ৩৫ বছর বয়সী এই ক্রিকেটার। ম্যাক্সওয়েলের অনুপস্থিতিতে টি-টোয়েন্টিতে অস্ট্রেলিয়ার মিডল অর্ডারে এখন একটি জায়গা উন্মুক্ত। কজির চোটে ছিটকে যাওয়া স্টিভেন স্মিথের বদলে দলে আসা অ্যাশটন টার্নারের সামনে হাতছানি সুযোগ পাওয়ার। সঙ্গে পজিশনটির জন্য বিবেচনায় রাখা হতে পারে অভিষেকের ওয়ানডে বিশ্বকাপের থাকা অ্যান হার্ডিকেও। ডারবানে বুধবার (৩০ আগস্ট) শুরু দক্ষিণ আফ্রিকা-অস্ট্রেলিয়ার তিন ম্যাচের টি-টোয়েন্টি সিরিজ। পরের দুই ম্যাচ শুক্র ও রবিবার। দুই দলের পাঁচ ম্যাচের ওয়ানডে সিরিজ শুরু ৭ সেপ্টেম্বর। পরের ম্যাচগুলো যথাক্রমে ৯, ১২, ১৫ ও ১৭ সেপ্টেম্বর।

ওয়ানডেতে নিজের

দুর্বলতা স্বীকার করলেন সূর্যকুমার যাদব



স্টাফ রিপোর্টার : নিউজ সারাদিন : টি-টোয়েন্টিতে তিনি নাম্বার ওয়ান। তবে ওয়ানডেতে একেবারে ছনু ছাড়া। তাই এশিয়া কাপের দলে জায়গা মিললেও ভারতের বিশ্বকাপ দলে জায়গা মিলবে কিনা তা নিয়ে আছে যথেষ্ট সংশয়। সূর্যকুমার যাদবকে ওয়ানডে চার নম্বর পজিশনের ভরসা বানাতে চায় রোহিত শর্মার দল। তবে আস্থার প্রতিদান দিতে পারছেন না যাদব। তবে হাল ছাড়তে নারাজ সূর্যকুমার। তার বিশ্বাস, দ্রুতই রান করার ব্যাপারটা বাগে আনতে পারবেন তিনি। কারণ তাকে পরামর্শ দিচ্ছেন রোহিত শর্মা, বিরাট কোহলি। একই সঙ্গে, এক দিনের ক্রিকেটকে সবচেয়ে কঠিন ফরম্যাট বলতেও দ্বিধা নেই তাঁর।

গণমাধ্যমকে তিনি বলেছেন, 'যে ভূমিকাই আমাকে দেওয়া হোক না কেন, পালন করার চেষ্টা করব। যদি ভূমিকা বদলে যায় সেটাতেও রাজি। কিন্তু এক দিনের ক্রিকেটে ভাল খেলতে আমি মরিয়া।' 'এক দিনের ক্রিকেটে ভারতসাম্য বজায় রাখাই আসল। আমি তার জন্য অনেক অনুশীলন করছি। পাশাপাশি রাহুল (দ্রাবিড়), রোহিত ভাই এবং বিরাট ভাইয়ের পরামর্শ নিচ্ছি। আশা করি খুব তাড়াতাড়ি এক দিনের ক্রিকেটে বড় রান পাব।' সূর্যকুমার আরো বলেছেন, 'সবাই বলে আমার জন্য নাকি টি-টোয়েন্টি ক্রিকেটই ভাল। দুটোই সাদা বলের ক্রিকেট। আসলে ৫০ ওভারের ক্রিকেটে রান করার কায়দা এখনও রপ্ত করতে পারিনি। কিন্তু কঠোর অনুশীলন করে সেটা রপ্ত করার চেষ্টা করছি। আমার মতে, এটাই ক্রিকেটের সবচেয়ে কঠিন ফরম্যাট।' কেন এক কথা বলছেন, তার ব্যাখ্যাও দিয়েছেন সূর্য। তার মতে, 'এই ফরম্যাটের ক্রিকেটে বাকি দুটো ফরম্যাট মেশানো রয়েছে। প্রথমে শান্ত মাথায় ক্রিকেট খিত হতে পারে। পরে স্ট্রাইক রোটেড করতে হবে এবং শেষের দিকে গিয়ে টি-টোয়েন্টির মতো আক্রমণাত্মক খেলতে হবে।'